

崑山顧祖禹景范
南昌彭元瑞共撰

錦里龍萬育燮堂校刊

浙江三

嘉興府

東至江南松
西至湖州府
百八十里
北至江南蘇州府
百五

十里自府治至布政司百九
十五里至京師三千一百里

禹貢揚州之域春秋時為吳越之疆後為越地戰國

時又為楚地秦為會稽郡地漢因之後漢永建中分

屬吳郡三國吳以後因之隋為蘇州地唐初屬蘇州

五代初屬杭州石晉天福三年錢氏始奏置秀州

與縣郡志後唐同光二年錢鏐置開元府治嘉興兼
領華亭海鹽二縣長興三年府罷按唐制非京尹不

讀史方輿

卷九十一

浙江三

敷文閣

得稱府鏐不敢置府於杭州何由置
府於嘉興乎開元改軍府之名志悞宋因之政和七

年賜名嘉禾郡慶元初升為嘉興府也嘉定初又升

為嘉興軍節度元曰嘉興路明曰嘉興府今領縣七

府負海控山川原沃衍自春秋時已為吳越爭衡之

地豈非以三江五湖相為襟帶

圖志吳越多山而湖
澤之介孔且濱於海澁可以出奇制敵哉拊錢唐之

道四出肩背擿吳越之肘腋

海防說府逼近海口與杭州
同患海寧一衛尤為要害魚

嘉興縣

附郭在府城東偏春秋時地名檇李秦由拳縣
地屬會稽郡漢因之後漢屬吳郡三國吳黃龍
四年嘉禾生改置禾興縣孫皓以父名和改今名晉
宋以後因之皆屬吳郡隋省入吳縣唐武德七年復

置明年又廢貞觀八年復置屬蘇州五代初屬杭州尋為秀州治今編戶三百八十一里

秀水縣內西北隅置今縣編戶二百三十二里

橋李城舊志云在府西南四十五里夾谷中左傳定於陞去橋李七年吳伐越越禦吳於橋李闔傷還卒

水縣三十七年東遊過長水望氣者言有天子氣

因發囚十萬鑿之改縣曰由拳于寶曰始皇以江

東有天子氣令囚徒掘汗其地表以惡名也漢因

之孫權改置禾興縣而由拳之名隱闕馴曰山拳

故城在嘉興縣南今謂之柴辟辟讀曰壁即古橋

李也東晉咸和蘇峻作亂顧眾監吳郡軍討之

為峻將張健所敗退屯柴壁或勸眾度浙江眾曰

保固柴壁可得全錢唐以南五縣若越他境便為

寓軍控引無所非長計也臨平人范明亦謂眾曰

此地險要可以制寇不可委也唐乾寧三年鎮將曹

進健敗走或作紫壁悞矣自唐乾寧三年鎮將曹

信改城嘉興而故迹益堙五代晉天福四年錢元

瓘拓秀州羅城而周十二里宋宣和七年及德祐元

年皆嘗修繕元至元十三年墮其城至正十六年

張士誠復修築外之未就明初始竟其役嘉靖三

十九年增修城周九里有水陸

新城謂之新城今曰新市有新城稅課局其北為新

城塘○射襄城在府東北三里志云唐會昌初嘗壘土為城

又府境有東顧西新南於北至四城舊志云吳越

時築

胥山府東二十七里高十五丈周不過二里本名張

有岷山相傳吳使子胥伐越經營於此因改今名又

餘丈周三里山之西麓為桐鄉縣境

運河在城西由杭州府達崇德桐鄉縣界東流經府

塔又東五里經白龍潭又轉而北遶府城下為月

河與秀水合乃出杉青閘受穆溪水為北漕渠又

讀史方輿卷九十一浙江三二 敷文閣

彪湖之下流也志云府西南四里有白龍潭相傳有白龍穴此風濤間作居人因作三塔以鎮之運河經此曰三塔灣

鴛鴦湖

城南一里一名南湖長水塘諸水所匯也宋尤大計百有二十頃以兩湖相麗而名鴛鴦湖之水

與其支流至城東南二里會於彭湖亦名馬膈河又循城而北與秀水合會於運河○天星湖在府治東北一名天心湖相傳即秦始皇發囚所掘處

又有相湖俗名相家湖在府東北九里幽湖在府西南四十里參差匯流皆達運河

聞家湖

諸水匯流於府東北二十里間有天荒許家

毛頭菜花及祥符諸蕩回環連繞聞家湖又其委流處也合於運河注於吳江○祥符湖在府東北

二十里周二十餘里與嘉善縣接壤又和尙蕩在府西北二十八里水通太湖

長水塘

府南六里長五十餘里縣舊名長水出峽口云長水塘之水源自杭州海寧諸山出峽口

讀史方輿

卷九十一 浙江三 三 敷文閣

紀要

東北流入嘉興縣境東通練塘東南通橫塘其支

流注於幽湖正流三十里至城南瀦為鴛鴦湖○橫塘在府東南五里其流匯為彪湖舊志自彪湖

轉馬塘環而東南五里至海鹽縣通謂之橫塘又練浦塘在府南二十五里與橫塘長水塘相通相傳春

秋時吳王練兵處也其西北十里許有藁壤圍環入里廣萬畝相

傳為吳越戰場

穆溪

府東北四里水接海鹽縣之上谷湖西北出吳

江縣界入于鶯脰湖又茜溪在府北十二里自

鶯湖分流入東北出曰茜溪又北十二里曰斜塘又

北二十里入吳江縣界○雙溪在府東十里松江

潛舟由嘉善縣達於雙溪又西北合於運河志云

府城東有鳳凰洲中流突起洲南之水曰漢塘入

平湖界北曰華亭塘入嘉善界又非溪在城內舊

引南湖支流入城中而北達運河府西北三十里

又有麻溪北入吳江縣界亦注於運河

王江涇

府北三十里相傳以王江涇市有巡司嘉靖三十

鎮諸處

三十一倭錄松江府柘林突犯王江涇轉畧平望烏

杉青堰府東北五里舊有杉青橋官舍宋熙寧元年

孝宗生於此寰宇記朱買臣妻改嫁杉青堰吏今

城四四里有死亭灣即買臣妻自溺處堰為運河

所經旁有開置巡司閘後有嘉禾墩相傳即孫吳

時產嘉禾處馬塘堰府南七里相傳秦始皇東

遊至此過水為堰堰成斬馬以祭因名又孟宗堰

或云在府東南嘉靖三十三年倭賊來犯官軍敗

之於此

嘉禾屯在府界唐志廣德中浙西有三屯而嘉禾為

之域最大嘉興在全吳之壤最映嘉禾穰江淮為

之康嘉禾歎江淮為之儉○杉青開鎮在府北杉

青堰又王江鎮在府北王江涇俱明初置

見上又西水驛在縣城西元置明因之

驛亭埭在府西此為吳越將顧全武所敗自湖州奔還

紀讀史方輿卷九十一浙江三

宣州○王店在府南七十里嘉靖三十四年倭賊

將犯杭州不果還至王店分兵一出海鹽塘一出

嘉興長水塘即此亦謂之王市

嘉善縣南府東三十六里東至江南松江府七十二里東

嘉善縣南府東三十六里東至江南松江府七十二里東

嘉善縣南府東三十六里東至江南松江府七十二里東

嘉善縣南府東三十六里東至江南松江府七十二里東

西山

縣南十二里即府東

魏塘

縣東十二里自縣西華亭塘分流東北出遠

縣南十二里

自府城東北行三十餘里經縣治南至

縣南十二里

自府城東北行三十餘里經縣治南至

縣南十二里

自府城東北行三十餘里經縣治南至

又東三十四里入華亭縣界俗謂之官塘

東郭湖

縣西十五里來自府城東有長堤橫亘三十里俗謂之下塘繞城北而東南會於華亭塘

又鶴湖在縣西北三十里又西北六里即分湖也亦曰汾湖汾湖之水承平望鶯脰湖諸流匯為

巨浸分而北入吳江縣界分而南入縣境東入華亭縣之澱山湖俗謂分曰汾

清風涇

浦涇在縣東北二十四里其流曰菖蒲涇志云菖

經縣東十二里之張涇匯又東六里之蓮花涇又北會於清風涇亦曰白牛塘又東為秀州塘折而

北達於華亭之泖橋

查家蕩

縣東北三十六里志云府東境之水滙流入縣界至縣西十三里為運涇港口分流東北

出皆北會於分湖分湖之南有蘆墟塘長約三十里蘆墟塘在縣北三十六里又北而東入章練塘

志云蘆墟塘在縣北三十六里又許家蕩在縣西北三十六里傍多良田遇旱民資以灌溉其下流

讀史方輿紀要

卷九十一

浙江三

五

敷文閣

皆會於章練塘○三白蕩在縣西北五十里入吳江縣界三蕩相接廣十二里又西北六十里而達蘇州之盤門

章練塘

縣東北四十五里寰宇記吳王權造戰艦於此張蘇以練水軍後譎張為章也縣北出之

水繇查家蕩經此東流十里入江西南青浦長洲二縣界入於泖湖又長春塘亦自縣西受東郭湖之

水引流北出與縣西北十餘里之江涇塘及蘆墟塘之水交流互注下流出白牛塘入於泖湖袁氏

曰縣境之水參錯不一大抵上流南受嘉興西受秀水北受吳江下流入於三泖也

魏塘鎮

縣西二里以宋里人魏武居此商民成市而名尋置巡司元因之明仍舊又有魏塘稅課

局在縣東元為魏塘務明洪武三年改局今移東關外○風涇鎮在縣東北十八里舊名白牛村市

元改為鎮置巡司并設白牛務洪武初罷巡司改務為稅課局萬歷中廢又斜塘鎮在縣北二十里

一名西塘又名平川縣西北諸川皆滙流於此北統十二年徙陶莊稅課局於斜塘尋廢

陶莊鎮

縣西北二十里西南去府城五十四里本名柳溪宋紹興中易今名因陶姓者居此也元

置巡司并置陶莊務洪武初罷巡司改務為局正統二年廢十二年改置於斜塘仍因舊名萬歷初

廢又于家窰鎮在縣西北十二里民皆業陶縣東南十里又有玉帶鎮元時亦為商旅轉集處後兵廢

崇德縣

府西南九十里西南至杭州府百十里西至湖州府德清縣一百有八里本嘉興縣地五代時

天福三年吳越析嘉興縣之義和及崇德七鄉為縣屬秀州宋熙寧十年又割桐鄉縣五鄉益之元

貞初升崇德州明洪武二年復為縣縣無城嘉靖三十四年創築磚城周六里有奇編戶二百七

何城

縣西三里又縣東北二十里有晏城東南三十里

四城相傳皆春秋時吳所築以禦越者又縣東北

十二里有紀目坡斷碑云吳王夫差募兵教養於此曰紀目者立綱紀而有條目也坡高十尋周三

讀史方輿

紀要

卷九十一

浙江三

六 敷文閣

碑云夫差闔兵於此車凡千乘又東有千步路西

涵山

縣西北三里曰遊長逕俱春秋時吳屯兵處云水遶其北三十六里為嘉湖兩府分界處縣境之

九里志云此為吳越分疆處下有洗馬池

運河

在縣城北出受左右諸涇之水經石門塘與桐鄉縣

分界

語溪

在縣治東南一里孔氏曰嘉興縣南七十里有

之地北至禦兒又文種曰吾用禦兒臨之孟康曰

今吳南亭是也漢元封初平東越封轅終古為禦

兒侯溪名蓋本於此一統志今名語兒中涇一名

石門塘

縣東北二十里亦曰石門涇水折而東灣環如帶曰玉帶灣其西北去桐鄉二十五里為

北三十六里南北相距二

接界處春秋時吳拒越壘石為門即此處也或謂之石夷門唐有石門驛上元二年劉展作亂據江准諸州遣其將張景超攻杭州敗李藏用將李彊於石夷門宋紹興中車駕往還即驛基建行怪殿又置權酒庫務於此今運河所經亦曰石塘灣嘉靖三十四年官軍敗倭於此絲石門而北三十里達湖州之烏鎮路出吳江之經道也

洲 錢市 縣西北二十七里地形如錢週遭皆水因名

分鎮之東半屬桐鄉縣志云縣有皂林驛舊屬桐

鄉縣嘉靖中徙於縣南又縣城東北有橫浦塲鹽課可○三里橋在縣南三里嘉靖三十五年倭

桐鄉縣 府西六十里西北至湖州府百二十里本崇德

縣地宣德五年割崇德之梧桐八鄉置縣治鳳鳴市嘉靖三十四年築城周四

里有奇編戶一百七十八里

及山 縣東南三十五里與嘉興縣接界昔有及基隱此而名山有兩峯其東峯一名史山又縣北十

紀要 讀史方輿 卷九十一 浙江三 七 敷文閣

七里有甌山山形如甌爛溪繞其下

運河 縣北八里由崇德縣石門塘西北流二十里而

經皂林舖漸折而東二十里為斗門又北二十

湖舊為陂引流入運河今僅存一線矣

爛溪 縣北二十里崇德縣車溪之水合縣境康涇永

新溪諸水遠流於甌山下又引而北自青鎮以

東橫亘十餘里東達於秀水北達鶯脰湖而出吳

江之平望鎮其西自青鎮下湖州之潯溪以達於

震澤者則謂之西溪

皂林鎮 縣北八里亦曰皂林市有元將路成營壘志

云鎮本在崇德市南有寨宋建交中徙於此

元熈初攻湖州張士誠遣兵趣救常遇春擊之

於皂林俘其兵六萬嘉靖三十五年倭賊徐海圍

撫臣所鶻於此官兵力戰始却舊設皂林巡司及

皂林驛今移驛於崇德縣而巡司如故○石門鎮

在縣西北二十五里與崇德縣接界洪武六年

置稅課局於此本屬崇德縣宣德五年改今屬

青墩鎮

縣北二十八里古有青墩唐置鎮邊使於此
臺在焉○南長營在縣東南二十五里其旁有千
人坡范蠡塢志云卽越之北境時屯營壘於此以

吳備

平湖縣

府東五十四里西南至海鹽縣三十六里東北
至江南松江府八十里本海鹽縣之東北境宣
德五年析海鹽之武原等鄉置今縣嘉靖三十

故邑城

縣東南二十里故邑山下漢順帝時海鹽
縣淪陷爲湖移治於此後復徙於馬皞城以
此嘗爲邑治故曰故邑西南去海鹽縣三十六里

晉隆安二年海賊孫恩北趣海鹽劉裕隨而拒之
梁城於海鹽故治孫恩來
攻爲裕所敗卽此城矣

雅山

縣東南十七里或譌爲瓦山嘉靖三十五年官
軍敗倭於潘港又追敗之瓦山卽雅山也山多
怪石俗呼惹山有惹山舖南涇塘繞其下又故邑
山以故邑城而名或曰顧邑謂足以顧盼城邑邑

讀史方輿
紀要

卷九十一

浙江三

八

敷文閣

志山高八十八丈周二十二里
西南去海鹽縣三十六里

陳山

縣東三十里西南至海鹽縣五十里高八十八
丈周十五里山有龍湫一名龍湫山舊置烽墩
於山上又觀山在縣東南二十八里一名官山其
南一里曰高公山山周八里稍北又有蒲山茱萸

等山皆
瀕於海

當湖

縣治東周四十餘里吳地記王莽改海鹽爲展
武縣陷爲柘湖今華亭柘湖也因徙治武原鄉
後漢永建二年又陷爲當湖宋志當湖

市西河

在縣治西源自府城東之漢塘東流五十餘
里經此又東入於當湖又東三十里入於東
溇志云市西河之水自縣西分流而南出者則經

雅山而東南合南涇諸塘水至乍浦以入海自縣
治西分流而北出者則繞縣治後合縣北諸塘
水又東北合蘆溼浦而入華亭縣界之泖湖

乍浦

縣東南二十里與海鹽縣接界縣南境諸水悉
瀕於此志云乍浦之水舊自官河入海元至正

間番舩皆萃於此明洪武中築城浦上以為備禦
今海鹽之乍浦所是也嘉靖三十二年倭據乍浦
犯杭州官軍敗却之又潘港在縣東南與乍浦相
接嘉靖中指揮劉代敗倭於此○蘆瀝浦在縣東
北三十八里舊志在海鹽縣東北七十里
是也縣北境之水悉匯於此有蘆瀝鹽場
東泖縣東北三十里界於松江之華亭陸道吳地記
華亭鄉泖之南即當湖湖之東北有泖港蜿蜒至
於橫泖為三泖之上流其上中下三泖則自屬松
江府華亭縣界其名雖
殊寔皆一泖流通也

乍浦鎮 縣東南三十六里志云鎮舊在縣西南二十
七里元置市舶司於此又有顧邑巡司宋元
時置於故邑城內洪武十四年置乍浦鎮改今名
東二十九里移而東南即今司也又白沙灣巡司在縣
東二十七里元置蘆瀝巡司於廣陳鎮洪武十九
年移置白沙灣改今名二司舊皆有屯堡嘉靖中
改築小城為戍守處○蘆瀝市在縣東北二十九
里宋元時俱置鹽場於此明初吳元年并鹽場於
讀史方輿卷九十一 浙江三 九

紀要 縣東南十五里之獨山鹽場改置嘉興鹽運分司
於此洪武元年復置蘆瀝場鹽課司又乍浦河泊
市舶司洪武十四年改置

廣陳墅 縣東南二十七里元曰廣陳鎮蘆瀝巡司置
於此自市而東南十二里為新倉又陸行五
十里即松江府之金山衛也○沈家莊在縣東十
里亦曰沈塘與乍浦相近東西二莊中緇河為墅
嘉靖三十五年官軍
殲賊酋徐海於此

海鹽縣 府東南八十里西南至杭州府海寧縣百十里
府東北至平湖縣三十六里古名武原鄉秦為海
鹽縣屬會稽郡漢因之後漢屬吳郡晉以後因之梁
屬信義郡陳省入鹽官縣唐景雲二年復置七年
又廢開元五年又置屬蘇州五代時屬秀州宋因之
元貞初升為海鹽州明洪武二年復為縣編戶百
六十里

馬驁城 今縣治東南越記吳兵至此忽有大風兵敗
馬驚因名漢吳王濞於此置司鹽使尉晉咸

康七年移縣治此後廢劉昫云開元五年復置海鹽縣治吳禦城即馬埠城矣今縣城相傳即開元中築吳越時增修至明洪武十九年重築甃以磚石永樂十六年增修嘉靖三十二年復築外城明年增築子城萬歷二十一年復繕治周六里有奇又舊志縣東北有武原城秦始皇三十七年置武原縣蓋治此按吳記海鹽本名武原鄉秦為海鹽縣武原未嘗置縣也恐悞

歟城 今為歟城寨又有望海城在縣南三十五里唐開元五年築此

秦驛山 有秦驛塢相傳始皇東遊登此一名秦逕山嘉靖三十四年官軍敗倭賊於秦驛山是也有秦驛山寨又豐山在縣西南十八里高三十餘丈周南二十里相傳秦始皇嘗屯兵其上白塔山在縣東

白塔潭海舟多泊於此今故道已湮又望虞山在縣東南二十二里高九十丈周十二里以隔海望

縣東南二十二里高九十丈周十二里以隔海望

縣東南二十二里高九十丈周十二里以隔海望

讀史方輿 卷九十一 浙江三 十 敷文閣

會稽上虞 縣而名

長牆山 縣南三十五里西去澈浦鎮三里山高八十丈周十九里橫截海濤若堵牆然下有石巖臨海名穿山洞嘉靖中設東西諸寨於山上以防倭寇南有黃道山宋有水軍寨造船塢立峰燧於山頂志云縣西南三十五里有青山亦在澈浦鎮東三里舊有烽堠與青山寨相近有金粟山周回六里亦名六里山下臨澈浦○葫蘆山在縣西南三十五里海中東北去澈浦鎮四里潮汝消長如葫蘆出沒故名語曰潮生潮落葫蘆自若下有葫蘆寨西有西山寨又澈浦城南三里有石帆山屹立海中如張帆然志云縣南三十五里有泊櫓山在澈浦鎮西北三里高百五十丈周四里輿地志始皇東遊候潮渡海泊櫓於此

湯山 縣東北三十六里高七十丈周五里有烽堠與乍浦所相接嘉靖三十二年參將湯克寬破倭賊於此又獨山在縣東北五十四里高五十丈周六里孤立不與諸山接上置烽堠以防海寇舊

周六里孤立不與諸山接上置烽堠以防海寇舊

置鹽場於此下有獨山塘經平湖

茶磨山

縣東南二十三里流合於乍浦

處今山周不過三里下港外為城塹昔人結寨避兵

成屋相傳唐末居民避兵處旁又有紫雲山及邵

灣山皆高七八十里周八里又金山在縣西

對中有夾山周七里志云夾山在縣西南三十五

里金粟山後俗謂之龔墳山也鳳凰山在縣西

南三十九里澉浦鎮西南二里高四十丈周五里

海防志山南臨大海倭每犯此最為衝要有鳳凰

山寨其與鳳凰山環列於海濱為郡隄障者凡數

十計俱錯峙於澉浦所之四旁而鳳凰山為之冠

又馬鞍山在澉浦所西北五里嘉靖三十四年參

將盧鏗敗倭賊於馬鞍山及新林一帶是也縣西

南四十五里又有廟山上烽堠

沈山縣西南六十里周七里以劉宋沈景葬此而名

唐大順中割屬杭州今與海寧縣接界即海寧

硤石鎮之東山也又有談家嶺在

西南四十二里亦與海寧縣分界

衢山在縣東南海中亦曰大衢山其相望者為小衢

山又有茶山亦在縣東南海中嘉靖三十七年

總兵俞大猷敗倭賊於茶山洋是也為南浙汛兵

會哨處○羊山在縣東北乍浦所之東山峙海中

乍浦海灘淺閣無山奧避風之處不若海中羊山

有奧可以泊舟若分番乍浦之船以守羊山未為

海

江南華亭縣

在城東舊去城二里今不及一里而南去海四上

里東海寧衛於城中以司守禦海防收東海口在

因設海寧衛於城中以司守禦海防收東海口在

縣東北三十里海灘沙汙船艦灘泊迤北與乍浦

相連內有白馬廟團圩諸處居民叢集嘉靖中倭

賊突犯必先入此觀望虛實然後四出剽掠此為

讀史方輿

卷九十一

浙江三

十一

敷文閣

十一

為黃道廟港濱海與南岸臨觀二衛相峙倭寇最
易登犯其西海口在縣東北五十里南通大洋北
近平湖不特平湖之一門戶亦浙西之咽喉也海塗
高硬湖水長澗不一倭每乘潮突至宜開濬海口
建立水閘以備之南滙許山金山青村一帶與吳
淞水哨互相聯給庶為有濟圖經縣南海岸與寧
紹二府相對深夜籟寂往往往雞犬之聲相聞有防
海塘宋所置也宋志縣東南五十里舊有貯水陂
南三里藍田浦東三里橫浦又有三十六沙
九塗十八岡及黃盤七峯布列海壖漂蕩日久舊
時陂蕩杳不復存紹興中設塘以備泛溢亦曰太
平塘長一百七十餘里元至正間復修築易之
石南北計四千八百餘丈明洪武初復修治自是
屢修屢圯萬歷五年海波橫潰邑患最劇於是大
興工役開內河以受潮流疏支委以殺水勢築土
塘以堅內護植列木以散衝波營斜堤以排激浪
海塘既復邑民始保聚利
賴至今云今亦謂之石塘

賁湖 縣西三十里一名宋陂湖周四十里東接縣西
九里之天儒湖西連橫湖南通黃道彭墩諸湖
讀史方輿 卷九十一 浙江三 三 敷文閣

志云橫湖在縣西三十五里周六里湖之東南即
黃道彭墩二湖也又鷓鴣湖在縣西南四十里周
四十餘里縣西六十里又有上谷湖亦名長湖諸
湖之水皆互相灌注以達海○永安湖在縣西南
四十五里湖周十二里溉田甚博湖中之稅均之
於田田稅頗重而無旱患久雨瀰漫則東南洩入
於海湖旁有鹿山荆山
等數山皆臨湖為勝

澉浦 縣南三十六里縣西南境之水由此入海水經
澉浦之水通於巨海宋開禧初置澉浦武中築城浦
時居民漸集海商往來遂成聚落洪武中築城浦
上置澉浦所及巡司於此志云澉浦鎮山灣潮
為南面之衝是也○藍田浦在縣南三里開以通
藍田寨因名宋咸平六年縣令魯宗道重開以通
海湖由白塔港入運河以灌民田因名魯公浦亦
曰魯浦紹熙三年縣令李直養重濬自藍田開十
八里南抵鮑郎鹽場以通鹽運灌民田今多堙淤
又橫浦舊在縣東二里東北通故邑西通賁湖南
入海今亦廢

橫塘

縣西北二十五里縣西南澉浦諸山之水滙為橫塘入嘉興縣境志云縣西南二十五里有橫塘淳化初開得路長四十里縣西北又有漢塘港引大儂湖諸水過歟和七年所開也今日漢塘港引大儂湖諸水過歟城而北入於橫塘又有陶涇塘在縣北里自北關北流入平湖縣界長十二里宋淳熙七年明成化二年皆嘗修濬○秦溪在縣西南三十六里秦駐山豐山諸水所滙也下

呂港

在縣東北有海場嘉靖三十五年倭賊徐海自亦在縣東北宋嘉熙中增置水軍寨澉浦唐灣並為要地或云海塘自東北折而西南即塘灣也塘為唐耳嘉靖三十五年指揮使徐行健禦倭賊於唐灣敗沒今有唐家灣寨又長沙灣在乍浦所南嘉靖三十一年倭賊破乍浦官軍與戰於長沙灣敗績又有金家灣在西海口南潮深沙僻倭賊往往泊此內犯則直抵平湖沿海則侵乍浦抵海鹽舊撥西海口水軍哨守又置金家灣寨於此

讀史方輿

卷九十一

浙江三

十三

敷文閣

常豐

在縣西南南宋志淳熙九年命秀州守臣趙善修海鹽縣常豐及八十一堰壩務令高半以固護水勢遇旱可以蓄積今堙廢又古涇舊在縣西境者凡三百餘所唐長慶中令李諤開以禦水旱今皆堙

澉浦鎮

縣東南十八里有巡司本宋置明初因之置於縣南澉浦上十九年改為所移司於秦駐山仍曰澉浦鎮巡司置堡於此為戍守處又海日巡司在縣東北十八里唐時於縣東一里置海寧鎮元置海沙巡司明初因之在縣東門外十九年徙於沙腰村仍曰海口巡司即今所也亦置堡設兵於此志云縣城西舊有海沙場鹽課司本木元時置明正統元年移置沙腰村仍舊名

鮑郎市

縣西南二十里晉隆安中孫恩作亂縣令鮑郎浦今澉浦西門外曰鮑郎鹽場置鹽課司於此蓋宋元時舊制也○梁庄寨在縣東北嘉靖中倭賊每於此登犯又縣東南有獨樹林及毛竹等寨縣西北有東轉塘朱公亭等砦縣志有南石山

鮑郎市

鮑郎浦今澉浦西門外曰鮑郎鹽場置鹽課司於此蓋宋元時舊制也○梁庄寨在縣東北嘉靖中倭賊每於此登犯又縣東南有獨樹林及毛竹等寨縣西北有東轉塘朱公亭等砦縣志有南石山

等寨皆嘉靖中置今廢又演武場在城東南北
海嘉靖初有陸路廠三十五年倭賊泊犯據為巢
賊平廠毀設軍戍守

龍王堂

在東關外外即大洋直對浙東臨觀等衛迤
南半洋即白塔山賊每泊此若登岸而南則
侵澈浦西則有天寧寺為水陸通衢直
抵嘉興此縣城之咽喉沿海之首衝也

附見

海寧衛

在海鹽縣治西洪武十七年建韓至右中前
四所及澈乍二所又東轉塘朱八頭寨第
二南寨北寨龍王塘開口落塘大寨小寨
寨頭等凡十二寨皆在境內屬衛軍戍守

守禦澈浦千戶所

在海鹽縣南三十六里志云唐開
元五年吳郡刺史張廷珪奏置海
鹽縣澈浦鎮天寶十載太守趙居貞奏置海鹽縣
寧海鎮吳越特澈浦乍浦皆設鎮遇使宋開禧元
年置澈浦水軍淳祐中復調許浦卒歲百人更番
守澈浦咸淳末以蒙古南下益增沿海戍守於乍

讀史方輿

卷九十一 浙江三

高

敷文閣

浦亦置水軍設統制領之及蒙古帥董文炳帥兵
自海道至二鎮軍相繼降下元亦設兵於澈浦鎮
尋以澈浦盜起遣將鎮守至元十八年遣兵侵倭
留後兵分戍澈浦海口明始置所邑志云宋置澈
浦鎮并置權務於此洪武十九年建浦務明初置巡司
并置稅課局於此洪武十九年建浦務明初置巡司
六年鑿以磚石正統四年增修嘉靖中復營繕周
八里有奇有南石山秦駐山東鹽團西鹽團青山
東海青山鹽塲東中牆山平漾牆山東牆山西南
門水開葫蘆灣南湖灣凡十四寨皆撥所軍戍守
許市見江
南常熟縣

守禦乍浦千戶所

在海鹽縣東北三十六里志云平
湖縣十八里洪武十七年建嘉靖
初改屬平湖縣所城周九里亦洪武中築正統中
增修嘉靖中營繕有獨樹東獨樹西蒲山外蒲山
西蒲山大東山東山嘴唐家灣鹽山聖妃宮金
家灣周西海口等十三寨皆所軍戍守其處

守禦嘉興千戶所

在府治北洪武九
年建隸蘇州衛

湖州府

東至江南蘇州府二百十里東南至嘉興府百八十里南至杭州府亦百八十里西至江南廣德州一百六十里西至江南宜興縣一百四十四里自府治至布政司見上至京師三千二百里

禹貢揚州之域春秋時屬吳後屬越戰國時屬楚

通

古防風國也史記曰汪罔氏之君守封禹之山汪罔即防風罔讀曰壯

秦為會稽障郡

地漢為會稽丹陽二郡地後漢屬吳郡及丹陽郡三

國吳寶鼎元年始置吳興郡治烏程縣晉宋齊因之梁末

兼置震州以震澤名王僧辨所置陳罷州而郡如故隋開皇九

年郡廢以其地屬蘇杭二州仁壽二年析置湖州

湖為名大業初復廢以其地屬吳郡餘杭郡唐復置湖

紀要

卷九十一

浙江三

五

敷文閣

州天寶初曰吳興郡乾元初復曰湖州

乾寧二年子忠國軍節度

寵刺史李師悅也

五代時吳越因之

周顯德四年吳越歸宋忠國軍為宣德軍

仍曰湖州

亦曰吳興郡景祐元年又改軍名曰昭慶軍

寶慶初改州為安

吉州元曰湖州路明初改為湖州府領州一縣六

府山澤透迤川陸交會南國之奧雄於楚越自三國

置郡以來恒為江表之望建國東南此尤稱腹心要

地吳越時恃為北面重鎮淮南來攻由宣州出廣德

必道吳興之郊而後及於餘杭餘杭之安危吳興寔

操之也蓋山藪環錯敵之伺我常易而震澤之浸尤

出奇者所必資明初有事姑蘇以湖州形援相接羽

翼未剪因遣奇兵從義興出太湖次洞庭進薄州城及州拔而姑蘇在掌中矣夫湖州南衛臨安北鞏吳

郡勢如左右手顧可忽乎哉

烏程縣

附郭在府治西一里秦置縣屬吳郡中平末孫堅封烏程侯三國時孫皓亦封烏程侯皓立因置吳興郡治此晉以後因之隋郡廢縣屬蘇州尋復為湖州治今編戶二百六十七里

歸安縣

附郭在子城東一里本烏程縣地宋太平興國七年析東南十五鄉置縣以錢俶納土來歸因曰歸安今編戶三百九里

菰城

府南二十五里楚春申君黃歇立菰城起樓連延十里秦因之置烏程縣志云縣初治此後移治今之子城自漢及隋唯有子城而無羅城唐武德四年趙郡王孝恭始創築羅城周二十四里闕

紀要

讀史方輿 卷九十一

浙江三

六

敷文閣

門有九元至正十六年張士誠竊其地明年士誠黨潘原明以城廣而不固縮東西二里更築新城賊小其半門去其三明初因之嘉靖三十二年以倭患修築三十五年復繕治完固郡志府治之子城相傳項王築成化九年修羅城潘原明築嘉靖中修有門六城周十三里有奇

東遷城

府東四十里晉太康三年分烏程東鄉置東遷縣宋元徽四年更名東安昇明元年復曰東遷齊梁因之皆屬吳興郡隋平陳并入烏程縣唐開元二十九年刺史張景遵置太湖館於此大歷九年顏真卿改曰東遷館今為東遷鎮明初攻湖州張士誠遣援兵屯舊館徐達等分兵營於東遷鎮南姑嫂橋運營十壘以絕舊館之援是也○永縣城在府西北漢興平初吳郡太守許貢奏分烏程置三國時廢志云縣西十九里有古戶城吳孫皓為其父和置陵戶於此因築城以居又有邱城在縣北十八里近太湖本里邱氏所居吳越築城屯戍於此以拒南唐

昆山

府東北五里昆近也以近府城而名明初徐達等攻湖州自太湖次洞庭進至昆山張士信將

軍何山望風遁進至州東三里橋敗其兵是也又何山在府南十四里舊名金蓋山晉太守何階嘗居於此因名近郭諸山何山最為高峻亦曰何山嶺即張士信屯兵處其相連者曰道場山志云道場山在府南十二里亦近郊之勝○峴山在府南五里本名顯山唐改今名又南二里曰浮玉山以在玉湖中而名

衡山

府南十八里左傳襄三年楚子重伐吳克鳩茲至於衡山杜預以為此山也今亦曰橫山山形橫亘古謂

卞山

府北十八里高百丈周百四十里為郡主山張元之云卞山非晴天爽乃不見其頂山有石似玉因名亦曰弁山下有金井洞吳越時黃龍見此政曰黃龍洞又有別峯曰西陵孫皓葬其父和於此謂之明陵故烏程有陵陽之稱郡志西陵山在府北三十一里

昇山

府東二十一里亦名烏山古烏巾氏所居一名歐餘山昔越王無疆之子蹄封於歐餘山之陽

讀史方輿

卷九十一

浙江三

七

敷文閣

為歐陽亭侯子孫因以為氏漢志注烏程有歐陽亭是也亦曰歐亭山王羲之為郡守與客昇此因改今名山當東出之道元張羽云昇仙橫道旁也明初張士誠屯兵於此為湖州聲援徐達等攻烏鎮敗之追至昇山破其六砦既而復破其昇山水砦敵勢益窘即此○湖跌山在縣東南二十五里一名長超山山側有湖廣二百頃名湖跌漾

石城山

府西三十里高九十六丈廣四十五里山平衍可城可耕頂有池曰洗馬池張元之山墟名曰昔邑人嚴白虎者於此壘石為城與石蒙戰至今山上有弩臺烽樓走馬將臺遺址○村山在府西南三十里陸羽志云夏后村巡狩之所也亦名稽田山上有避它城說文它蛇也蓋古昏摯時民避蛇於此下有夏王村又九乳山在府西南三十一里山有九峯其形如乳

小雷山

府北三十六里志云太湖中有大雷小雷二大雷亦曰洞庭西屬長興○白鶴山在府西北二十六里連亘長興縣東南又西塞山在府西

十五里唐張志和遊釣處也

銅山

山府西南九十五里一名銅峴山括地志吳采障康前溪發源於此又馬鞍山在府西南七十六里連屬武康北境○莫干山在府西南百五十五里上有鑄劍池旁有磨石相傳吳王鑄劍處亦曰莫邪山府境西南諸溪水皆環流其下

太湖

府北二十八里接長興烏程二縣界志云府境湖口入於太湖其支流曰橫涇港在府北四里趣小梅湖口以入太湖今大錢湖口在府東北三十里小梅湖口在府北十八里大錢湖口在府東北三十里口凡二十八小梅以東瀉水之口凡八蓋遠近諸溪瀆俱以太湖為壑而大錢小梅又其喉隘也又大錢湖口一名大全港明初攻湖州張士誠遣援兵屯舊館出明師之背既而常遇春統奇兵山大全港入結營東遷復出敵背即大錢湖口矣餘詳

讀史紀要

方輿

卷九十一

浙江三

敷文閣

玉湖

府南三里又有碧浪湖與玉湖相接趙孟頫云玉湖南來之水出天目之陽至城南三里而近匯為東北而合茗溪水又東北入於太湖

運河

在城東茗溪餘不溪之水入於太湖至平望鎮而合於嘉興之運河亦曰荻塘志云荻本作頓唐于頓刺湖州築此塘因名後訛為荻今城南一里亦曰荻塘相傳晉太守殷康所築漚田千頃其支流東南出烏鎮東曰米蕩合於桐鄉縣之爛溪亦曰荻港明初攻湖州張士誠遣其將李伯昇赴救由荻港潛入城明師圍之是也

茗溪

在城東北二里今自天目山之陰經孝豐安吉郡人謂之茗溪其自天目山之陽經錢塘德清至府南入城匯流為江渚匯又東北合於茗溪者郡人謂之餘不溪又謂之雪溪其實即東西二茗溪也茗溪之正流從大錢湖口注於太湖支流則為橫涇港由小梅湖口以入太湖而分流東出者則曰運河詳見大川

潯溪 府東六十里卽餘不溪之支流也自德清縣界

也自德清縣沿山直北過峴山漾而至城南曰山

塘溪唐志元和中和刺史范傳正開官池於城東又

刺史楊漢公所鑿皆引餘不溪灌注之

漫涇 在府西南志云郡有七十二漫在烏程者三十

湖舊時皆有壩堰遇風潮漲溢則塞以埤之

積潦則啟以洩之蓋節宣所資也後多堙廢明宏

治中王部侍郎徐貫嘗濬之復作石隄七十里以

防泛溢之患尋復廢○黃浦在府西南十八里源

出府西南三十五里之黃蘗山一名黃蘗澗一名

康浦又東北入於苕溪志云府東北二十六里有

項浦亦曰掩浦秦始皇東遊會稽項梁與籍私往

觀之籍曰彼可取而伐也梁掩其口曰毋妄言其

矣蓋卽此處又今城北奉勝門

俗名霸王門亦以項籍得名云

凌波塘 府東南二十五里唐寶歷中刺史崔元亮所

開今府東南四十二里有菱湖又有菱湖鎮

卽凌波之譌矣又連雲塘在府東南七十五里一

名練溪亦崔元亮築塘以溉田處今溪上有埭市

鎮其水皆散入嘉興府界下流仍合太湖○柳塘

在府北三里孫吳時所開本名青塘梁太守柳輝

重浚因易今名又謝塘在府西四里晉謝安所築

蒲帆塘在府北二里唐開成中刺史楊漢公所築

皆茗溪灌注處也

讀史方輿 卷九十一 浙江三 敷文閣

思安塘 府西南三十里又西三十五里至三汊河白

德州爲往來之要道志云府由水路至金陵八

有十里由陸路出廣德至金陵四百八十里而近

耳○宜堰或曰在府北太湖口明初克宜興造楊

國興出太湖破張士誠於舊館又平宜堰口三十

六寨乃還築宜興城而守之蓋先入敵

境以震動之使無暇撓我之營築也

烏鎮 府東南九十里唐元和初鎮海節度使李錡反

二年楊行密發兵救董昌昌亦遣兵會之共圍嘉

興錢鏐遣顧全武救嘉興破行密烏墩光福二寨

兵烏墩卽烏鎮也明初攻湖州張士誠遣兵屯城東之舊館又遣兵頓烏鎮爲舊館聲援明師擊却之嘉靖十年添設郡丞駐此既而倭賊侵軼鎮每當其衝隆慶初裁郡丞萬歷二年議者以鎮當浙直之交與江南之吳江嘉興之桐鄉界壤相接湖澤通連姦宄藪聚宜添設同知就近防察今自桐鄉縣皂林而西不過二十餘里爲

南潯鎮

府東七十二里以潯溪所經而名元至正十三年張士誠築城於此明初由湖州攻平江自南潯至吳江守將以城降洪武二年城廢十八年置官澤稅課局於此又東十二里爲吳江縣之震澤鎮亦通塗所經也○菱湖鎮在府東南三十里以近菱湖而名洪武中置千金稅課局於此又雙林鎮在府東南五十四里嘉靖中倭賊嘗突犯此又窰墩亦在府東南嘉靖中撫臣李天寵合諸將兵與倭賊戰於窰墩不利卽此

舊館

府東三十里舊置館驛於此明初師克宜與遣楊國興出太湖口與諸將趣湖州破張士信於

讀史方輿紀要

卷九十

浙江三

敷文閣

舊館既而大兵攻湖州張士誠遣兵屯舊館築五砦以自固徐達等分軍營於舊館之東數敗敵兵之援舊館者又進敗敵兵於昇山餘軍奔入舊館之東壁旋以東壁來降達率師據之舊館兵出戰大敗舊館亦降湖州遂下

後潘村

府東五十里元置巡司於此後廢明初洪武三年復置後潘巡司今移於南潯稅課局又大錢河口巡司在縣東北十五里亦元時舊址洪武十四年復置并設河泊所於此今所廢而司仍舊又璉市巡司在縣東南八十里洪武中置縣西南三十餘里又有上沃阜巡司洪武二年置旋廢○茗溪驛在府城南明初置嘉靖三十一年遷於城內又有茗溪通運所以驛兼領志云府東二十里五里有思溪河泊所明初置尋廢

南亭

在府治西南下臨茗溪劉宋泰始二年會稽內史孔覲等舉兵應晉安王子勛使孔璪屯於吳興南亭以拒吳喜之兵既而喜自義興引軍至義鄉璪棄軍走錢唐○飛英寺在府東北二里唐咸

通中建寺西有舍利石塔高九層登之則川原城郭瞭如指掌

長興縣

廣德西北七十里西南至安吉州百里西至江南

為鄣縣地兩漢為烏程故鄣二縣地晉太康三年分

置長城縣屬吳興郡宋齊以後因之隋平陳省入烏

程仁壽二年復置屬湖州大業初屬吳郡唐初沈法

興置長州於此武德四年改為綏州又改為雒州老

年州廢縣仍屬湖州五代時吳越改今名宋因之元

元貞初升為長興州明初為長安縣洪武二年復曰

長興舊有城相傳唐武德七年築吳越時嘗修繕元

至正十七年明師取長興元帥耿炳文甃磚城為守

樂後漸圯嘉靖三十六年增修萬歷元年復

緝治城周五里有奇編戶二百五十七里

吳王城在縣西成山下杜佑曰即今縣郭也夫差使

因以名縣志云晉置長城縣其治在今縣東南十

八里富陂村後移今治三城三圻在縣東北旁臨

太湖為春秋時吳王屯成之地郡志云三城三圻

者吳城與斯圻連彭城與石圻連邱城與蘆圻連

紀要 讀史方輿 卷九十一 浙江三 敷文閣

步騎列於三城水軍列於三圻城與圻相接畛也

故鄣城為故鄣縣屬丹陽郡吳屬吳興郡晉以後因

之隋廢杜佑曰今土人謂故鄣城為府頭蓋以秦

鄣郡治此也又有晏子城在縣西南百二十里或

義鄉城

在縣北義鄉山晉惠帝永興元年分吳興之

喜擊

東軍之應子助者克

戊山

縣西三里一名夫槩山吳王使夫槩於此築城捍侯

景明初耿炳文點軍山上俗因呼為點軍山又雉

山在縣北五里梁武帝時童謠曰鳥山出天子故

江左以鳥名山者皆鑿之惟此山得免縣西南六

里又有餘干山梁陳故事梁武帝時童謠曰王氣

在三餘乃於餘干餘姚餘杭為厭勝法不知此有

有餘吾浦陳武帝果起於此應鳥山三餘
之識餘吾一作餘魚周處曰吳越音轉也

呂山

此縣東南二十里吳將呂蒙程普討山賊屯營於
此入於茗溪又夏駕山在縣東南三十六里亦以
夏后封南巡經此而名上有石鼓晉隆安中嘗鳴
兆孫恩之亂堯市山在縣西北四十里相傳洪水
時民避難成市處山高三百四十丈上有池方一
畝又西北五里曰研射山志云唐貞

西顧山

元間將軍錢景秀平賊郎景於此
縣西北四十里志云山一名吳望山吳王
闔閭嘗登姑蘇臺望見此山一名顧渚山吳

大梁

又有二山相對號明月峽絕壁峭立大瀾中流產
茶絕佳唐時以顧渚茶供貢其南為大宮山小官

造茶

山北十餘里有啄木嶺唐時吳與毘陵二郡守
與又有溪曰顧渚溪經縣北三十里之翠嶺路達宜

入太湖

迥絕五峯突出若群鳥之瞻視於雲表故名
烏瞻山在縣北五十里志云其地

義鄉山

縣北六十里晉太守周玘舉義兵平石冰陳
者曰蒼雲嶺一名懸脚嶺為北出義興之道有泉

合溪

出嶺北至山半分兩派而下遠流而南復為一曰
合溪今有合溪鎮

四安山

縣西南八十里四面平廣水流會於茗溪亦
名四安溪又名周瀆○龍目山在縣西百里

山嶺

高五百餘丈與江南廣德州接界又有九龍
山在縣西南百二十里山隴回繞如龍晏子城在

焉東南

去安
吉州三十里

太湖

縣東北二十五里與江南宜興縣分中流為界
○西湖在縣西南十五里一名吳城湖舊託吳
王築城輦土於此遂成湖周七十里溉田三千頃
後堙廢唐貞元中刺史于頔復浚之歲獲秬稻蒲
魚萬計民賴其利號為于公塘又析湖舊在縣北
七里今塞又北八里曰包洋湖東西十五里入於

讀史方輿

卷九十一

浙江三

三

敷文閣

菴書溪

縣西入里名西溪縣西北諸山之水瀝流

之合溪又東南為菴書溪經縣西北二十里合流謂

湖多箭箬也溪流為趙溪入於太

荆溪

在縣西南四十里源出江南宜興縣之荆南山

合諸山溪之水流經縣境又東南注於茗溪又

德安境之水亦流合焉下流注於茗溪附近諸溪

蠡塘

縣西南三十五里相傳范蠡所築又阜塘在縣

塘官塘荆塘皆昔時瀦水灌田處今多墾塞○金

沙泉在顧渚山下泉出不常時惟造紫筍茶俱

貢則取給此水元至元間小溢可溉田千頃因名

蠡塘

瑞應泉又常豐澗在義鄉山下別為南北二川合

舊常引流溉田因名

浙江三

敷文閣

筍竹關

縣南六十五里武康歸安徑道也又有

四安鎮

在縣西南四安山下東去府城一百二十里

九年置鷹揚府并築城於此城有四門今故址猶

存宋亦曰四安鎮設官以監商稅德祐元年以元

兵漸迫臨安遣徐垓等分戍四安鎮既而元兵陷

四安遂趣獨松關元亦設稅務於此明初改置巡

司嘉靖中設公館為往來衝要又臯塘鎮在縣東

北二十里傍臨太湖亦有巡司○和平鎮在縣南

五十里宋置稅務於此元改巡司明初廢

德清縣

府南九十里東至嘉興府崇德縣百有八里東

九十里西至武康縣二里南至杭州府

為武康縣之東境唐大授二年析置武源縣屬湖州

景雲二年改曰臨溪天寶初又改今名城邑考縣初

置於下蘭山天寶間徙百寮山南即今治也宋德祐

中始築石城明初廢嘉靖三十一年

修築思九里有奇編戶二百一十

奉國城

縣治西南一里

吳越王傷其父進軍伐之築壘於

吳龙山

縣治東南一里

漢王莽之亂高士吳羌隱此

北有乾元寺

又東曰

王山在縣東北四里梁沈恪

名此山曰東

一名白寮山

稍北

曰石壁山

有靈泉

亦名牛月泉

德清山

縣東四里本名

烏山秦時善釀者烏巾所居

臨餘不溪

志云天授

初置縣於此○金鵝山縣西

南五里下枕

溪流舊

俗率將築城禦於此方山縣

陷浙右刺史

獨孤問

俗率將築城禦於此方山縣

西北十二里

山形方

整志以為邑境羣山之宗

敢山

縣東北二十一里

本名闕山吳丞相闕澤所居

溪經其下曰

敢山漾

○齊眉山在縣北三十里山

高千丈周

四十五里

舊名囚女山餘不溪經其下

讀史方輿

卷九十一

浙江三

女曰囚

漾

敢文閣

運河

縣東南三十里

自杭州府流入界又北入嘉興

杭州官塘

也又北五里

即唐樓鎮餘湖州出

餘不溪

縣治東南一里

清溪即茗溪下流自杭州府

透迤而北

經百寮吳匡

兩山間至下蘭山東益折

而東北為

苧溪漾至

縣東北十八里為武承塘謂

之石塘東

岸為東石

塘西岸為西石塘連接數里

入郡界北

至峴山漾

與北流水合為雲溪圖經溪

名餘不者

以溪水清

澈餘流則否亦曰雲溪者以

衆水合流

互相盪激

書然有聲○北流水在縣治

南自城南

餘不溪分

流入城出西水門北流至沙

村與武康

縣前溪水

合繞流至府城南合餘不水

而為雲溪

志云城西

有馬厄河其地本赤土山後

陶鑿之成

河錢鏐嘗

障馬於此因名流合北流水

深溪

在縣西南

三十五里杭州府於潛縣東北

水流於此

又東注於

餘不溪志云縣西南有

鳥山港戴灣楊灣諸水俱匯於餘不溪

新市鎮

縣東北四十五里宋元時有鎮將守此并置

置河泊所於此嘉靖中倭賊嘗突其地今河泊

所廢而巡司如故又塘棲市在縣東三十五里與

仁舟和縣接界水南屬仁和水北屬德清

和縣接界宋紹興中兩浙安撫使奏設寨官巡戍

曰下塘柵巡司明因之隆慶三年以五陵港口地

當衝要鹽盜出沒因置五陵關徙巡司戍守仍曰

定間置設巡司於此明初省又廢

西有牧馬寨南宋時為牧苑元廢

武康縣

州府南百七十里東至德清縣二十六里南至杭

烏程縣餘不鄉之地後漢初平中孫氏析置永安縣

吳寶鼎初屬吳興郡晉太康初改永康又改今名仍

屬湖州大業三年改屬餘杭郡唐初李壽二年復置

屬湖州大業三年改屬餘杭郡唐初李壽二年復置

屬湖州大業三年改屬餘杭郡唐初李壽二年復置

屬湖州大業三年改屬餘杭郡唐初李壽二年復置

屬湖州大業三年改屬餘杭郡唐初李壽二年復置

屬湖州大業三年改屬餘杭郡唐初李壽二年復置

屬湖州大業三年改屬餘杭郡唐初李壽二年復置

石城山

縣西南三里漢末赤眉之亂邑人壘石城以

坦有洗馬池縣北五里有鳳凰山四面如一頂平

相傳梁侯景之亂邑人牙門將軍沈子春築城以

禦寇因名又西南里許曰石嶠山

亦名七里嶠又永安山在縣西五里

縣亦有烟霞塢林麓之勝

封山縣東十八里魯語仲尼曰汪芒氏之居守封

此為防風山又禹山在封山東南二里

誤矣吳興志禹十二代孫帝馬巡狩時駐此故曰

相接昔有沈氏壁於此因名又東北三里曰

銅官山採銅於此山下有二坎曰銅井又計峴山在

敷文閣

敷文閣

縣西北二十五里張元之云范蠡師計然所居也
山與烏程縣分界亦曰界峴山又縣東南二十五
里與錢塘縣接界亦以計然而名其東

覆舟山

縣西南二十五里上有巨石橫絕狀如覆舟一名馬

郎將趙引敗之於馬頭塢即此○天泉山在縣西
北三十五里山有長流水謂之天泉傍多沃壤又
西北十五里為銅峴山高六百五十丈前溪之水
出焉與安吉

鳥程接界

高塢嶺

縣西北三十五里與歸安吉州分界○箬嶺在縣西

南三十五里志云山
多箬竹亦曰箬峴山

前溪

在縣治南源出銅峴山流經縣西二十一里曰
阮公溪至治前曰前溪東流至縣東十三里之

隴山東至沙村號沙溪合德清縣之北流水其一
讀史方輿卷九十一 浙江三 吳 敷文閣

紀要

東南流過湛星港又東流十二里會湘溪入風渚
湖○後溪在縣治東北三里烏回山下漚

眾山之水流東流出新溪注於前溪志云新溪在縣
東北三里其北又有新溪宋淳熙中合蔡霖以後

溪沙磧漲塞廢舊港徙水道東北注五里會於縣
東北十二里之長安溪又東注沙村溪而合前溪

以通舟楫公私便

餘英溪

縣西十三里源出銅官山東南流合於前溪

溪在縣南十八里西接龍山泉經上陌埠東至
菴畫溪入風渚湖又阜溪在縣北七里發源縣西

北二十五里之莫千山東流經三橋埠又東合黃
山溪入於沙溪又有雙溪亦出銅峴山而東入前

溪

風渚湖

縣東南十七里廣九里亦名九里湖亦曰雙

旁土粘埴漸右陶器多出於此志云湖即古防
風氏所居之地洪武中設河泊所景泰中廢

馬頭關 縣南三十里路出餘杭為往來之徑道○三

水埠因名稅課局置於此又上陌埠在縣南一十

安吉州 府西南百二十里西至江南廣德州百二十里

杭縣百二十里

春秋時吳地漢為丹陽郡後漢因之晉屬吳興郡宋

齊因之梁陳時屬陳畱郡 郡治今廣德州 隋屬宣州 開皇九年以安

吉縣省入緩安縣 唐屬桃州 亦即今廣德州 麟德元年復屬

湖州宋以後因之明正德二年始升為安吉州 編戶六十

四領縣一

州山溪糾錯西通宣歙南衛臨安用兵出奇之道也

讀史方輿 卷九十一 浙江三 七 敷文閣

杜伏威嘗由此以平李子通淮南嘗由此以震吳越

蒙古嘗由此以亡宋明初亦由此以襲張士誠夫安

吉之於浙也猶頭目之不可不衛也一或不慎殞越

隨之矣

安吉廢縣 今州治漢故鄣縣地屬丹陽郡後漢中平

二年析置安吉縣晉屬吳興郡宋以後因

之隋平陳縣省入緩安縣義寧二年沈法興復置

唐武德四年改屬湖州七年省入長城縣麟德元

年復析置安吉縣屬湖州宋元因之明改置州縣

廢城邑及舊城在州西南三十里今猶謂之舊縣

唐開元二十六年遷於玉磬山東南後又徙治今

城東南四里元燬至正十六年城歸於明總管張

後德始築土城於今治明年元帥費愚重甃以

石嘉靖三十年增修有門四城周六里有奇

穆王城 在州南四十里宋建交中岳飛拒寇於此壘

城呼之志云城在州之鳳亭鄉有將臺遺址西南至孝豐縣二十五里州志城西北十五里有故城又西有晏子城本屬長興宏治元年割入安吉境內

天目山 在州西南七十

玉磬山 州東北十五里唐開元中置縣處也山高九

吳均云東晉時嘗議置縣於此因各名青峴山又落石山在州西二里高二百五十丈周五里○白楊山在州東南二十二里括地志山峻極上兩穴舊嘗產錫此其採錫處也又銅峴山在州東三十里與府境及武康縣接界

邱閣山 州東北二十五里山東南二里即為廩山郡志吳大帝遣從弟夔修故鄣邱閣即此下有

邱閣池唐聖歷初縣合鉗耳知命開以灌田山東北去長興縣七十里舊為接境處○石虎山在州西南十五里路出

讀史方輿 卷九十一 浙江三 敷文閣

梅溪山 州東北三十里立石高百餘丈四面斗絕不

石門山梁吳均所云森壁爭霞孤峯限日者又潭雲山在州東北四十里上有七十二墩旱久生雲即雨茗水經其下滙為浮石潭相接者為長盤山志云山在州東北三十五里又有九龍山在州西北三十里以九龍蜿蜒如龍也上有石城西北有石竈○三水山在州東南六十里一水東南入烏程一水北入州境故名

翻車嶺 州西南三十里與江南寧國縣接界又有

茗溪 在州城西源出天目山之陰經孝豐縣流至州南四十里之沿干渡分為二溪東曰龍溪西曰

旱溪至石虎山南而復合又北經城西分為二經州東三里之馬家瀆而復合流至東北三十里之烏山曰外溪西折而合於寺前港口埭諸溪復經州東北四十里之浮石山潭曰裏溪又東匯眾流為渾水瀆歷荆溪相見灣至府西而為塔瀆瀆又東北注於大湖詳見大川

龍溪 在州治東南即茗溪之支流也自州城西繞流經此合於馬家瀆溢為外溪分為聚溪遠近諸

水悉附人焉

楊子湖 在州北二十里諸溪澗之水匯流而成湖又東會邱閣水合於茗溪志云州東二里有四

龍湖東南七里有五龍湖又州南九里有姓湖西南三里又有獲湖北二里又有西畝湖共謂之玉湖

皆茗溪諸水之匯流處也

石鼓堰 在州西南引天目山水溉田百餘頃唐聖歷中縣合鉗耳知命置

獨松關 州東南四十五里路出餘杭之要道也自獨松水北流匯於茗溪宋元以來置兵戍守明

洪武六年置巡司隆慶四年革詳見前重險○孔夫關在州西六十里路出寧國又州東北三十里

有梅溪鎮路出長興志云明初於城東關置批驗所洪武三年徙於梅溪鎮六年改為稅課局又河

泊所亦置於此今皆廢又州東南二十里日地舖灘鎮當南浙往來之陸道舊嘗置巡司

讀史方輿 卷九十一 浙江三 三 敷文閣

孝豐縣 州南六十五里東至武康縣百二十里西南至杭州府餘杭縣百十里西北至江南廣德州七

十里西至江南寧國縣百二十里本漢故鄣縣地後漢中平二年分置原鄉縣屬丹陽郡晉屬吳興郡宋

以後因之隋廢唐武德四年復置屬雒州七年州廢縣省入長城縣明成化二十三年郡守王瑞言安吉

地險遠而孝豐太平等九鄉為里五十餘中有漢縣廢城存焉請析置一縣以開民之不逞者從之因鄉

名以名縣曰孝豐正德二年安吉升為州遂以縣屬焉縣舊有土城萬歷四年改築石城周不及四里編

戶五十 四里

原鄉城 在縣東漢中平中置以縣在山中高原而名唐因故址復置尋廢明因置今縣

天目山 縣西南六十五里頂有二泉池遇旱不竭東南流為瀑布下注數里成十二潭層級如梯

次第奔落俗名險潭山間有田畝池塘皆可耕種志云縣境諸山回環連互皆天目也○浮玉山在

縣東南十五里山海經浮玉諸山茗水出其陰注於其區說者曰浮玉即天目矣杭湖諸山其陰皆

本於天目故亦得以浮玉之名被之吳興志浮玉
山有二在歸安峴山漾者為小浮玉此為大浮玉
也又南嶼山在縣東南十七里與浮玉相接一名
白水山一名泉石山志云山高三百六十丈上有
海下有南嶼水
流合於茗溪

廣茗山

縣南三十里天目正陰茗水發源處也又南
五里曰大溪山山高八百五十丈周四十五
里又金石山在縣西南三十里志云高千
八百丈長三十里蓋皆天目之項背云

苦峴山

在縣西四十里一名苦山以登涉峻阻也與
江南廣德州接壤志云山高三千丈周三
里又師高山在縣北五十里勢接天目中積雪
交月不消○菱湖嶺在縣東三十里路達武康縣

縣西北又有金鷄
嶺路出廣德州

苕溪

縣西南三十五里自天目山北出南嶼諸山之
水悉流滙焉引而北經縣東又東北二十五里
為干渡人州界○深溪在縣西南
四十里於潛山之水流出此合苕溪

讀史方輿

卷九十一

浙江三

三

敷文閣

董嶺水

出縣西三十九里之董嶺分為兩流西流入
寧國縣界東流自縣西引而北至州西南會
諸溪澗水謂之
更溪入於茗溪

幽嶺關

縣東南三十里與餘杭縣接壤界獨松三關之
一也有幽嶺水流為碧溪東北入於茗溪
崑山關在縣南五十里與臨安縣接壤界又郎採
右縣西南三十里與於潛縣接壤界皆為設險之處
志縣西七十里有唐舍關西南六十里有孔
關皆接寧國縣北四十里有茗嶺西北五十里有

五嶺關皆
接廣德州

接廣德州

松坑口

縣南五十里山溪錯雜處也有巡司戍守又
縣南二十里有天目山巡司皆洪武中置今
松坑司廢又沿干鎮在縣
東北四十里與州分境

附見

守禦湖州千戶所

在府治東開天志宋龍鳳四年元
至正十八年也時明師克長興置

永興翼元帥府以禦張氏明年改爲興武衛親軍
指揮使司尋又改長興衛指揮使司龍鳳十三年
張氏亡改爲千戶所洪武八年移
所於府城內曰湖州守禦千戶所

讀史方輿
紀要

卷九十一

浙江三

三

敷文閣

讀史方輿紀要卷九十一終